



Aktisasj barggosjiehtadus julevsáme profijllaskávlá ja julevsáme oahpponævoj ja máhtudagá ávddánahttema vuoksjuj

Sámi allaskuvla/Samisk høgskole, Hábmera suohkan/Hamarøy kommune ja Sáme Låhkåmguovdásj/ Nasjonalt senter for samisk i opplæringa ájgggu aktan barggat julevsáme mánáj ja nuoraj oahppambirrasav nannimin julevsáme profijllaskávlá ávddánime baktu. Vijddásappot ájggop sihkarasstet ahte julevsáme máná ja nuora oadtju áddásmahtedum oahpponævojt ja jut sijá riektá kvalitatijva buorre áhpadibmáj sihkarassteduvvá aktan julevsáme guovlon máhtov lápptit.

Aktisasj barggoguojme vuojni dárbov gávnnat ádå, dábmaris ja innovatijva vuogijt gáktu ádå sáme oahpponævojt buvtadit, ja ájgggu stratiegalasj aktisasj barggo baktu ásadusáj dásen aktan barggat váj átsát, jáhtuj biedjá ja tjadát duov dáv prosjevtav ja dájmvav majt dárba j jus ájgggu julevsáme profijllaskávláv duohtan dahkat ja ienep ja ádåstuhtedum julevsáme oahpponævojt oadtjot.

Vehi dábbelin sihti aktisasj barggoguojme viehkedit váj Sáme allaskávlá ja Sáme Låhkåmguovdásj állidi ietjasa sebrudakmandáhtav julevsáme sebrudagán ja nanni ietjasa dájmvav julevsáme guovlon. Vijddásappot ájgggu aktisasj barggoguojme nannit julevsámegiela máhtudagáv ásadusáj ja sebrudagán, ja nannit julevsámegiela dilev sihke rijka ja rijkajgasskasasj dásen. Aktisasj bargos galggá sjaddat sierra fáhkabirás sáme oahpponævoávdánahttemin julevsáme guovlon, ienep julevsáme oahpponævo ja alla kvalitiehtta julevsáme giellaáhpadiemen vuodoskávlán.

Sáme allaskávlá ja Sáme Låhkåmguovdásj doarjju fágallattjat ja háldadusá bieles julevsáme oahpponævo- ja máhtudakávdánimev, julevsáme profijllaskávláv ja ietjá vuogas dájmvav ma máhtti lasedit julevsámegiela gij lågov. Sáme allaskávlá ájgggu viehkedit máhttolápptimij ja ávddánibmáj duola dagu bájkálasj oahppofálaldagáj ásadime tjadá duola dagu julevsámegiela, oahpponævvopedagogihkan ja duojen.

Aktisasj barggo galggá nav guhkás gá vejulasj ávkástallat bájkálasj máhtudagájt ja fálaldagá galggi ávddánahteduvvat lahka aktisasj barggon bájkálasj máhtudakbirrasij, daj gaskan aj Hábmera suohkana áhpadidje Ájluovta skávlán/ Drag skole.

Árran Julevsáme Guovdásj vásstet julevsáme dávvervuorká ja giellaguovdásjdájma ávdás. Aktisasj barggoguojme sjaddi ávkken gávnnat máhtudagáv ja værmástagáv mij Árranin la ja Árran sjaddá guovdásj aktisasj barggoguojmme Hábmera suohkanij, Sáme allaskávlá ja Sáme Låhkåmguovdátijj gá ájgggu dievnastusájt ja oahppofálaldagájt ávddánahttet julevsáme guovlon, daj gaskan aj dájma ma julevsáme oahpponævoávdánahttemav nanniji.

Dát badjásasj aktisasj barggosjiehtadus galggá vuodon sierra, ienep konkriehta sjiehtadusá ásadusáj gaskan duola dagu dievnastus- ja oahppofálaldagáj ja máhttolápptimdájma ásadime hárráj.

Aktisasj barggo galggá tjuovvot iesjengga ásadusá mandáhtav ja ruhtadimev. Jus dárbađ álgoldis rudájt fágalašj ávddánahttembarggub masi dát sjehtadus dilev láhtjá, de galggá Sáme allaskávlá ja Sáme Láhkámguovdásj válldet ávdásvástádusáv rudájt áhtsát Hábmara suohkana ja Árrana ráduđijn.

Aktisasj bargo badjásasj ulmme la tsieggit buorre aktisasj bargov mij bissu ja jut máhtudahka mij tsieggiduvvá aktisasj bargo tjadá, tsieggiduvvá bájkálattjat julevsáme giellabirrasin ja sađáđuhteduvvá ásadusáj organisasj ávnuđda.

Guovdageaidnu/ Ájluokta xx.xx.xxxx

Sámi allaskuvla

Laila Susanne Vars, rektávrá

Hábmara suohkan

Britt Kristoffersen, suohkanoajvve - ordfører

Árran Julevsáme Guovdásj

Lars Magne Andreassen, direkterra

Sáme láhkámguovdásj/ Nasjonalt senter for samisk i opplæringa

Karen Inga Eira, jádediddje